

Susu - Kisi Kitaabuie - Salvation Scriptures

Efes 2:2 wo nu þerema naxee ma. Wo nu biraxi yi dunija fe kobie nan fôxø ra.

Wo nu biraxi Sentanø nan fôxø ra, þinnæ xa mange naxan na kuye ma. Wo nu biraxi a xaxili nan fôxø ra naxan na walife ala yaxuie tagi.

Matiyu 6:10 I xa mangëya xa fa. I sago xa raba dunija ma, alç a rabama ariyanna ki naxë.

Luki 22:42 «N Baba, xa i sago na a ra, i xa n natanga yi þaxankate ma. Kõnø n sago naxa raba, i tan nan sago xa raba.»

Yaya 16:7-9 Kõnø n xa a fala wo bë a nõndi ki ma, n ma sige nan munafanyi gbo wo bë, barima xa n mu siga, Saabui Fanyi mu fama wo ma. Kõnø xa n siga, n a xëëma ne wo ma. 8 A na fa, a mixie rakolonma ne yunubi xa fe ra, tinxinyi xa fe ra, nun kiiti xa fe ra. 9 A e rakolonma ne yunubi xa fe ra, barima e mu danxaniyaxi n ma.

2 Timote 2:10 Na nan a ra n tõõre mõõli birin xaninma, alako mixi sugandixie xa kisi sõõ Mixi Sugandixi Isa saabui ra, e lu a xa nõre kui abadan.

Rõmakae 15:20,21 Na birin kui, n kataxi ne n xa mixie kawandi Isa xa xibaaru fanyi ra naxee mu Mixi Sugandixi kolon. N mu wa na rabafe kawandila gbëtë dangi fõxi. 21 Alç a sëbexi Kitaabui kui ki naxë, «A xa fe singe mu nu fala naxee bë, e fama ne a kolonde. Mixi naxee singe mu nu a xa fe më, e fama ne a fahaamude.»

Taruxui 2:36,37 «Na kui, Isirayilaka birin xa la a ra, Jehovah bara Isa findi Marigi ra, nun a xa Mixi Sugandixi ra. Kõnø wo bara a banban wuri magalanbuxi ma.» 37 Yi masenyi naxa þama bõne tõõro ki fanyi ra. E naxa a fala Piyeri nun xëëra booree bë, «N ngaxakerenyie, a lanma muxu xa munse raba fa?»

Eburu 4:2 Won bara na xibaaru fanyi më alç booree a mëxi ki naxë, kõnø a mu sese fanxi e ma e xa danxaniyatarena xa fe ra.

Yeremi 24:7 - Matiyu 22:37 Isa naxa a yaabi, «I xa i Marigi Jehovah xanu i bõne birin na, i nii birin na, a nun i xaxili birin na.»

Taruxui 16:14 Gine nde nu na e ya ma naxan xili Lidi, gare dugi mati. Tiyatireka nan nu a ra. A gaaxu Jehovah ya ra. A to a tuli mati, Marigi naxa a bõne rabi alako Põlu naxan falama a xa so a xaxili ma.

Matiyu 13:14-16 Na kui, Annabi Esayi xa masenyi bara rakamali e xa fe ra, naxan a masenxi, «Wo fe mëma, kõnø wo mu a fahaamuma. Wo fe toma, kõnø wo mu a igbëma. 15 Yi þama bõne bara xõõxõ. E bara e tuli dësë, e bara e ya raxi, alako e ya naxa fa fe igbë, e tuli naxa fa fe më, e bõnëe naxa fa fe kolon, e naxa fa e ya rafindi n ma n xa e rayalan.» 16 «Kõnø þelëxinyi na wo tan bë, barima wo yae se igbëma, wo tulie fe mëma.

Esayi 6:9,10 - Taruxui 28:27 Barima yi mixie sondonyi bara xõõxõ. E bara e tulie dësë. E bara e yae raxi, alako e naxa a to e yae ra, e naxa a më e tulie ra, e naxa a fahaamu e xaxili ra. Xa na mu a ra e e sondonyi mafindima ne,

alako Jehovah xa e rayalan.

Maraki 4:11,12 A naxa a masen e bε, «Jehovah bara fahaamui fi wo ma wo xa a xa mangεya niini gundo kolon, kɔnɔ mixi gbεtεe tan fe birin mεma taali wɔyεnyie nan na, 12 alako <E xa fe to a fanyi ra, kɔnɔ e naxa a igbε. E xa fe mε a fanyi ra, kɔnɔ e naxa a fahaamu. Na rabaxi nε alako e naxa fa e ya rafindi Jehovah ma, Jehovah fa diŋe e ma.»

Yaya 12:39,40 Na kui, e mu nɔ danxaniyade Isa ma, barima Esayi a masen nε, 40 «Jehovah bara e ya dɔnxu, a e xaxili balan, alako e ya naxa fa se igbε, e xaxili naxa fa fe kolon, e naxa fa e bɔŋε rafindi n ma, n xa e rayalan.»

Rɔmakae 11:7,8 Won fa na ma di? Isirayila nu naxan fenfe a mu a sɔtɔ, kɔnɔ Jehovah nu bara naxee sugandi, nee tan bara a sɔtɔ. A dɔnxɔe tan bɔŋεe naxa balan. 8 A sεbεxi, «Jehovah naxa e xaxili dɔnxu, a a niya e yae mu se to, e tulie mu fe mε, han yi to lɔxɔe.»

2 Tessaloniki 2:10,11 A fama nε mixi kisitaree mayendende fe jaaxi mɔɔli birin na, barima nɔndi mu rafan nee ma. Na na a ra e mu kisima. 11Na kui, Jehovah e xaxili ifuma nε sεnbε ra, alako e xa la wule ra.

Matiyu 13:18-23 «Wo wo tuli mati, wo xa fahaamui sɔtɔ xεsa xa taali ma. 19 Mixi na Jehovah xa mangεya niini xa masenyi mε, a mu a fahaamu, Sentane fama nε na masenyi bade a bɔŋε ma. Na kanyi misaalixi sansi xɔri nan na naxan biraxi kira xɔn ma. 20 Sansi xɔri naxee bira gεmε yire, nee misaalixi mixi nan na naxan Jehovah xa masenyi mεma, a a suxu mafuren sεewε ra. 21 Kɔnɔ sanke to mu na a bε, a xa danxaniya mu buma. Tɔɔre nun jaxankate na a li Jehovah xa masenyi xa fe ra, a gbilenma Jehovah xa fe fɔxɔ ra keren na. 22 Sansi xɔri naxan bira tunbe kunsie tagi, na misaalixi mixi nan na naxan Jehovah xa masenyi mεma, kɔnɔ yi dunijna kɔntɔfili nun naafuli xɔli a suxu han a Jehovah xa masenyi bεjεn. Na kui, Jehovah xa masenyi mu nɔma a bɔŋε masarade. 23 Sansi xɔri naxan bira bεnde fanyi tan ma, na misaalixi mixi nan na naxan Jehovah xa masenyi mεma, a a fahaamu, a a bɔŋε masara. Na sansi xɔri a bogi raminima nε, nde xɔri kεmε ramini, nde tongo senni, nde tongo saxan.»

2 Korinti 3:15,16 Han to e luxi ał na mafelenyi na e yatagi makotofe, e mu fahaamui sɔtɔ e bɔŋε kui, e Tawureta Munsa xaranma tεmu naxε. 16 Kɔnɔ mixi na a ya rafindi Marigi ma, na luxi nε ał na mafelenyi bara ba na kanyi yatagi ma, a fa fahaamui sɔtɔ.

Hose 11:3-7 - Matiyu 11:28-30 Wo fa n ma, wo tan naxee taganxi, kote binye naxee xun, n xa malabui fi wo ma. 29 Wo xa n ma karafoe nan nagoro wo kɔn ma, wo xa findi n ma taalibie ra, barima n bɔŋε bεexi, a mu tema. Na kui, wo bɔŋε malabui sɔtɔma nε, 30 barima n karafoe naxan nagoroma wo kɔn, a mu xɔrɔxɔ, n kote naxan dɔxɔma wo xun, a mu binya.

Taruxui 26:18 e xa mini dimi kui, e xa so naiyalanyi kui. E xa keli Sentane xa nɔε bun, e xa so Jehovah xa mangεya niini bun ma. Na kui, e xa yunubi xafarima nε, e man fama nε ke sɔtɔde sεniyεntɔe ya ma naxee danxaniyaxi n ma.

2 Timote 2:24-26 A mu lanma Marigi xa walike xa sɔnχɔ. A lanma a xa findi mixi diŋexi ra naxan fata mixi xarande, a man wakili tɔɔrε ra. 25 A lanma a xa matandilae matinxin woyenyi ḥoxunmε ra, alako Jehovah xa a niya e xa tuubi, e xa nɔndi kolon, 26 e xa xaxili sɔtɔ, e xa e ba Ibulisa xa gantanyi ra. Ibulisa bara e suxu gantanyi ra, alako e xa lu a xa yaamari bun ma.

Revelation 3:17-19 Wo bara a fala, «Bannamixie nan muxu ra, muxu hayi mu na fefe ma.» Wo mu a kolon a wo findixi tɔɔrɔmixie nan na, a nun misikiinεe, setaree, dɔnxuiε, nun mixi mageli. 18 N marasi naxan fama wo ma, wo xa xεεma fanyi sara n ma, xεεma naxan gbi baxi tε ra, alako wo xa findi bannamixie yati ra. Wo xa donma fiixε sara n ma, wo xa na ragoro wo ma, alako wo xa ba tixi wo mageli ra, yaagi xa ba wo ma. Wo man xa ya seri sara n ma, alako wo xa fe igbε. 19 N nan n xanuntenyie nan xuruma, n e matinxin. Wo xa wakili, wo xa tuubi.

2 Korinti 7:10 Jehovah mixie rasunnunma nε alako e xa tuubi, e fa kisi. Na sunnuniyi mɔɔli mu findima mɔnε ra, kɔnɔ sunnuniyi naxan fatanxi dunija ra, na findima faxε nan na.

1 Mangε 18:37 - God Jehovah turned heart back to God.

2 Korinti 4:4 barima e mu danxaniyaxi. Yi waxati mixie marigi bara a ragiri e xaxili naxa fahaamui sɔtɔ xibaaru fanyi ma Mixi Sugandixi nɔrɔxi xa fe ra, naxan findixi Jehovah misaali ra.

Luki 8:11-15 «Na taali woyenyi ya ibama yi ki nε. Sansi xɔri misaalixi Jehovah xa masenyi nan na. 12 Sansi xɔri naxee bira kira xɔn, nee misaalixi mixie nan na naxee bara Jehovah xa masenyi mε, kɔnɔ Ibulisa nan fama fa, a a ba e bɔŋε ma, alako e naxa fa danxaniya, e kisi. 13 Sansi xɔri naxee bira gεmε yire, nee misaalixi mixi nan na naxee Jehovah xa masenyi mεma, e a suxu sεεwε ra. Kɔnɔ sanke to mu na e bε, e xa danxaniya mu buma. Maratantanyi waxati na a li, e mu xanma. 14 Sansi xɔri naxee bira tunbe kunsie tagi, nee misaalixi mixie nan na naxee Jehovah xa masenyi mεma, kɔnɔ kɔntɔfili, bannaya, nun yεtε rafan fee nan a niyama e mu gε e bogi raminide Jehovah bε. 15 Sansi xɔri naxee bira bɛndε fanyi tan ma, nee misaalixi mixie nan na naxee Jehovah xa masenyi mεma, e a ragata e bɔŋε fanyi ma tinxinyi kui, e e bogi ramini Jehovah bε tunnabεxiya kui.»

Taruxui 15:11 Wo xa a kolon a won nakisixi Marigi Isa xa hinne nan na alɔ e tan fan.

Rɔmakae 8:13 Xa wo ḥεrε fate bɛndε waxɔnfe kobie ma, wo faxama nε, kɔnɔ xa wo gbilen e fɔxɔ ra Jehovah Xaxili Sεniyεnxi saabui ra, wo kisima nε,